

Ո Ր Ո Շ ՈՒ Մ

Ճանապարհային ոստիկանության վարչական իրավախախտման գործով 13.07.2021թ. կայացված ԱՖ735916 որոշումն անփոփոխ, իսկ վարչական բողոքն առանց բավարարման թողնելու մասին

<<21>> 07 2021թ. 7-13- 11961

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով քաղաքացի Զավեն Աբրահամյանի ՄԴ/57034-21 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Արմավիրի մարզի, Մեծամոր քաղաքի, 1-ին թաղամասի, 13գ շենքի, 17-րդ բնակարանի բնակիչ Զավեն Աբրահամյանը դիմումում նշելով իր անհամաձայնությունները խնդրել է վերանայել 13.07.2021թ. կայացված ԱՖ735916 որոշումը: Միաժամանակ հեռախոսակապի միջոցով հայտնել է, որ դիմումին ավելացնելու ոչինչ չունի, պահանջել է դիմումը քննել առանց իր մասնակցության և արդյունքների մասին տալ գրավոր պատասխան:

Դիմումի քննարկման արդյունքում պարզվել է, որ վարչական իրավախախտման վերաբերյալ գործով 13.07.2021թ. կայացված ԱՖ735916 որոշումը ենթակա է կատարման հետևյալ պատճառաբանությամբ.

<<Ավտոտրանսպորտային միջոցների օգտագործումից բխող պատասխանատվության պարտադիր ապահովագրության մասին>> 5-րդ հոդվածի 4-րդ մասի համաձայն՝ յուրաքանչյուր անձ պետք է մշտապես ունենա սեփականության իրավունքով իրեն պատկանող (ֆինանսական վարձակալության (լիզինգի) պայմանագրով իրեն տրամադրված) և Հայաստանի Հանրապետությունում հաշվառված յուրաքանչյուր ավտոտրանսպորտային միջոցի համար կնքված և գործող ԱՊՊԱ պայմանագիր: Արգելվում է ընդհանուր օգտագործման ավտոմոբիլային ճանապարհներով ավտոտրանսպորտային միջոցի վարումը, եթե դրա համար առկա չէ այն վարելու պահին գործող ԱՊՊԱ պայմանագիր:

Վարչական իրավախախտումների վերաբերյալ ՀՀ օրենսգրքի 129.2-րդ հոդվածի 2-րդ մասի համաձայն առանց տվյալ տրանսպորտային միջոցի համար կնքված ավտոտրանսպորտային միջոցի օգտագործումից բխող պատասխանատվության պարտադիր ապահովագրության գործող պայմանագիր ունենալու՝ Հայաստանի Հանրապետության տարածքում ընդհանուր օգտագործման ավտոմոբիլային ճանապարհներով տրանսպորտային միջոցը վարելը՝ առաջացնում է տուգանքի նշանակում՝ սահմանված նվազագույն աշխատավարձի հարյուրապատիկի չափով:

Դիմումի ուսումնասիրությամբ պարզվել է, որ 13.07.2021թ. ժամը 10:40-ի սահմաններում Արմավիր քաղաքի Զիվանու փողոցում ոստիկանության Արմավիրի բաժնի ՊՊԾ դասակի ոստիկան, ոստիկանության ավագ սերժանտ Է.Դավթյանի կողմից դիմումատուի վարած <<MERCEDES>> մակնիշի 36CA573 հաշվառման համարանիշի ավտոմոբիլը կանգնեցվել է 3.1՝ <<Մուտքն արգելվում է>> ճանապարհային նշանի պահանջը չկատարելու համար ինչի մասին գեկուցագիր է ներկայացրել ոստիկանության Արմավիրի բաժնի պետ ոստիկանության գնդապետ Գ.Պողոսյանին: Նշված վայր են հրավիրվել Ճանապարհային ոստիկանության ՃՊԾ 2-րդ սպայական գումարտակի 1-ին սպայական վաշտի 1-ին

սպայական դասակի տեսուչ, ոստիկանության ավագ լեյտենանտ Ա.Գինոսյանը և նույն դասակի տեսուչ, ոստիկանության լեյտենանտ Ա.Առաքելյանը: Ստուգման արդյունքում պարզվել է, որ վարորդին ավտոմոբիլը վարել է առանց գործող ԱՊՊԱ պայմանագիր ունենալու: Վարորդի նկատմամբ կազմվել է վարչական իրավախախտման վերաբերյալ արձանագրություն և Վարչական իրավախախտումների վերաբերյալ ՀՀ օրենսգրքի 129.2-րդ հոդվածի 2-րդ մասի համաձայն կայացվել է վարչական իրավախախտման վերաբերյալ գործով ԱՖ735916 որոշումը:

Ճանապարհային ոստիկանության ծառայողների կողմից տրված պարզաբանման համաձայն՝ Ճանապարհային ոստիկանության էլեկտրոնային ռեգիստրի միջոցով ստուգումից պարզվել է, որ դիմումատուն ավտոմոբիլը վարել է առանց տվյալ տրանսպորտային միջոցի համար կնքված տրանսպորտային միջոցի օգտագործումից բխող պատասխանատվության պարտադիր ապահովագրության գործող պայմանագիր ունենալու: Վարորդի նկատմամբ կազմվել է վարչական իրավախախտման վերաբերյալ արձանագրություն և Վարչական իրավախախտումների վերաբերյալ ՀՀ օրենսգրքի 129.2-րդ հոդվածի 2-րդ մասի համաձայն, կայացվել է ԱՖ735916 որոշումը: Միաժամանակ ոստիկանության ծառայողները հայտնել են, որ իրենց և վարորդի միջև ծառայողական բնույթի խոսակցություններից բացի այլ խոսակցություններ չեն եղել:

Հայաստանի ավտոապահովագրողների բյուրոյի ԻԱՄ վերահսկող ծառայության մասնագետի կողմից տրված տեղեկատվության համաձայն՝ <<MERCEDES>> մակնիշի 36CA573 հաշվառման համարանիշի ավտոմոբիլը ապահովագրվել է <<ԱՐՄԵՆԻԱ-ԻՇՈՒՐԱՆՍ>> ԱՍՊԸ-ում 13.07.2021թ. հատկացվել է SL840629 ԱՊՊԱ վկայագիրը, որն ուժի մեջ է մտել **13.07.2021թ.-ի ժամը 16:00-ից** մինչև **13.11.2021թ.-ը**, իսկ Զ. Աբրահամյանի կողմից թույլ տված իրավախախտումը հայտնաբերվել է **13.07.2021թ.-ին ժամը 10:45-ին**:

Այսպիսով, դիմումատուի արարքում առկա է Վարչական իրավախախտումների վերաբերյալ ՀՀ օրենսգրքի 129.2-րդ հոդվածի 2-րդ մասի հատկանիշները, իսկ ԱՖ735916 որոշում օրինական է և հիմնավոր, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 13.07.2021թ. կայացված ԱՖ735916 որոշումը թողնել անփոփոխ, իսկ վարչական բողոքն առանց բավարարման :
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Զավեն Աբրահամյանին և Ճանապարհային ոստիկանության ՃՊԾ 2-րդ սպայական գումարտակ:

Կատարող՝ Գ.Հրաչյան
Հեռ. 011544-783



Ե.Կարապետյան